

Gozatu dezagun nahi dugun eran. Zernahi gara!

ERNAI :: 27/06/2014

[Euskara] Ekainaren 28an sexu askatasunaren aldarriz bete ohi dira Euskal Herriko hainbat herri eta auzo

Ekaineko azken txanpan sartu garen honetan, baditugu asteburuaren jirabiran hainbat mobilizazio eta deialdi. Ekainaren 28an sexu askatasunaren aldarriz bete ohi dira Euskal Herriko

hainbat herri eta auzo, geroz eta indartsuago bilakatuz zernahi garenon ahotsa. Ernaitik mobilizazioetan parte hartzeko deia luzatzeaz gain, gure irakurketa plazaratu nahi dugu:

Gozatzen dugu banaka, binaka eta taldean. Batzuetan leun eta beste batzuetan gogor. Gozatzen

dugu laztan eta hozkada artean, begira batekin edo muxu hezeekin. Aske gozatzen dugu, sistemak inposatutako sexualitate eredu murriztailearen aurrean zernahi izanez.

Ez da borroka erraza ordea, gizonemakume binomioa eta sexugenerosexualitatearen arteko harreman naturalizatua, txikitatik hasten den sozializazio prozesu indartsuaren ondorioz gure bizi

proiektuetan, praktikan, gorputzetan zein erabakietan ezartzen baitzaigu.

Sistema kapitalista eta patriarkarrak aurrera egin ahal izateko, heterosexualitatea eta erreprodukzioan oinarritutako bizi moldeak arau bihurtu dizkigute botere guneetatik, gure nahi eta

desioak erreprimitu eta norabidetuz, zer eta nola sentitu behar dugun inposatuz.

Ezarritako heteroaraua "normaltzat" ulertua da jendartean, norbanakooi dagokigunean ordea, ez

dugu guztiok modu berean bizi. Inposatutako eredu bakarra den heinean, bestelako desioen aurrean bortxaz bizi dugun eredua da. Honela, gure desio eta nahiak erreprimitu eta ezkutatzen dira

behartzen gaitu. Baina badira heteroaraua eraisteko moduak; gure gorputza zein sexu praktikak

aske bizitzea, gure nahi eta desioak ezagutu eta hauek askatasunez gozatzea eta jendarte feminista baten alde borrokatzea. Gure eguneroko praktika, jarrera eta erabakiez urratuko dugu

Garesti ordaintzen dugu ordea, gure desioak jarraitu eta gure gorputzak gozatzea, ZERNAHI

izatea. Ezarritakoaz haragoko ereduak, praktikak, gorputzak, proiektuak... epai moral eta sozialen

jo puntu dira. Sistemak bazterrean kokatzen duen gorputz, identitate eta sexu praktika oro zigortua da. Eta inposatutako norabidetik apur bat aldenduz gero, sistemak heteroaraua birproduzitzeko metodoak asmatzen ditu, maitasun erromantikoa, monogamia edota familia gure

harremanen oinarrietan kokatuz.

Plazerra, gozamina, nahiak, desira izan behar dute gure bizi eredu eta proiektuen erdigunean

kokatuak daudenak eta ez normalitatea, heteroaraua edota eredu inposatuak. Sexualitatea aske

biziz egiten dugu borroka, zernahi izanez. Hori baita patriarkatuak sexu generoaren kategoria

hertsi eta mugatuak erabat baztertzeko modu bakarra, heterosexualitateak arau izateari uzteko

modu bakarra. Goza dezagun nahieran, araua hausteko borroka bide gisa.

Ernai, 2014ko ekaina